

Ammasumik ataatsimiinnermi oqaluuserisassat:

- Imm. 01 Oqaluuserisassat akuersissutigineri**
- Imm. 02 Siulittaasumik toqqaaneq**
- Imm. 03 Siulittaasup tullersortissaanik toqqaaneq**
- Imm. 04 Ilinniartitaanermut Ataatsimiititaliaq ukiup sinneranut ataatsimiittarnissaanik
ulluliineq**

***Ilinniartitaanermut Ataatsimiititaliap
inissitsiterluni ataatsimiinnera majip 8-ani 2025-imi***

Ataatsimiinneq kommunabestyrselep ataatsimiittarfiani ingerlanneqarpoq kommunalbestyrelsellu ataatsimiinnera naammassimmat aallartippoq.

Peqataasut:

Siumut

Inuit Ataqatigiit

Naleraq

Demokraatit

Nalunaaruteqarlutik peqataanngitsut

Nalunaaruteqaratik peqataanngitsut.

Imm. 01 Oqaluuserisassat akuersissutigineri

Aalajangiineq

Akuersissutigineqarput

Imm. 02 Siulittaasumik toqqaaneq

Journalnr. 01.01.00

Tunuliaqut

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 27 malillugu Ataatsimiititaliat siulittaasussatik namminneq qinertassavaat. Ataatsimiititaliami ilaasortaq kinaluunniit pisussaavoq siulittaasutut qinigaanini akuerissallugu. Ataatsimiititaliami siulittaasup ataatsimiititaliap ataatsimiinnissai piareersartassavai, ataatsimiigiaqqusisassalluni ataatsimiinnerit siulersortassallugit ataatsimiinnernilu aalajangiinerit aalajangiinernut imaqniliamut allanneqarnissaat akisussaaffigallugu.

Tamatuma saniatigut siunnersuutigineqassaaq, siulittaasup tullissaanik toqqaasoqassasoq, tassa siulittaasup peqataanginnerani taassuma suliaasaanik suliaqartartussamik.

Inatsit tunngaviusoq

Kommunit aqunneqarnerat pillugu Inatsisartut inatsisaat nr. 29, 17. november 2017.

§27. Ataatsimiititaliat ataavartut siulittaasussatik nammineq qinertassavaat. Ataatsimiititaliami ataavartumi ilaasortaq kinaluunniit pisussaavoq siulittaasutut qinigaanini akuerissallugu.

Ilinniartitaanermut ataatsimiititaliap suleriaasia 30.september 2019-meersumi § 3. *Ataatsimiititaliap ataatsimiinnerani siullermi ataatsimiititaliaq siulittaasussaminik taassumalu tullersortissaanik toqqaassaaq. Toqqaanerit immikkoortillugit ingerlanneqassapput, nalinginnaasumillu amerlanerussuteqarneq tunngavigallugu aalajangiisoqassalluni. Ataatsimiititaliap siulittaasuanik toqqaaneq borgmester-imik aqunneqassaaq.*

Innersuussineq

Ilinniartitaanermut Ataatsimiititaliap siulittaasussanik toqqaasoqassaaq

Aalajangiineq

Qinikkat tamarmik aaliangerpaat Evelyn Mølgaard siulittaasunngussasoq

Ilanngussaq

Soqanngilaq

Imm. 03 Siulittaasup tullersortissaanik toqqaaneq

Journalnr. 01.01.00

Tunuliaqut

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 27 malillugu Ataatsimiititaliat siulittaasussatik namminneq qinertassavaat. Ataatsimiititaliami ilaasortaq kinaluunniit pisussaavoq siulittaasutut qinigaanini akuerissallugu. Ataatsimiititaliami siulittaasup ataatsimiititaliap ataatsimiinnissai piareersartassavai, ataatsimiigiaqqusisassalluni ataatsimiinnerit siulersortassallugit ataatsimiinnernilu aalajangiinerit aalajangiinernut imaqarniliamut allanneqarnissaat akisussaaffigalugu.

Tamatuma saniatigut siunnersuutigineqassaaq, siulittaasup tullissaanik toqqaasoqassasoq, tassa siulittaasup peqataanginnerani taassuma suliaasaanik suliaqartartussamik.

Inatsit tunngaviusoq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 27

Ilinniartitaanermut ataatsimiititaliap suleriaasia 30.september 2019-meersumi § 3. *Ataatsimiititaliap ataatsimiinnerani siullermi ataatsimiititaliaq siulittaasussaminik taassumalu tullersortissaanik toqqaassaaq. Toqqaanerit immikkoortillugit ingerlanneqassapput, nalinginnaasumillu amerlanerussuteqarneq tunngavigalugu aalajangiisoqassalluni. Ataatsimiititaliap siulittaasuanik toqqaaneq borgmester-imik aqunneqassaaq.*

Innersuussut

Ilinniartitaanermut Ataatsimiititaliaq siulittaasup tullersortissaanik toqqaasoqassaaq.

Aalajangiineq

Charlotte Olsen siulittaasup tulliatut qinerneqarpoq

Ilanngussaq

Soqanngilaq

***Ilinniartitaanermut Ataatsimiititaliap
inissitsiterluni ataatsimiinnera majip 8-ani 2025-imi***

**Imm. 04 Ilinniartitaanermut Ataatsimiititaliap 2025-mi ataatsimiiffissaannut
siunnersuutit.**

Journalnr. 01.02.03

Tunuliaqutaq

Ataavartumik ataatsimiititaliat allat assigalugit Ilinniartitaanermut ataatsimiititaliap
ataatsimiiffissani aalajangersartussaavai.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 29. 17.november 2017-imeersumi § 27
malillugu ”...Ataatsimiititalimi siulittaasup atatsimiitiat ataavartut ataatsimiinissai
piareersartassavai, ataatsimigiaqqusissassalluni ataatsimiinnerit siulersortassalugit atatsimiinnernilu
aalajangiinerit aalajangergiinernut akisussaafiggalugu.” Aammalu Ataatsimiititaliat sulieriaasia
malillugu.

Pissutsit atuuttut

Kommunalbestyrelsip Aningaasaqarnermullu Ataatsimiititaliap ataatsimiiffissanik
aalajangersaasimanera naapertorlugu Ilinniartitaanermut Ataatsimiititaliap ataatsimiiffissaanik
allaffeqarfik siunnersuusiropoq.

Allaffeqarfiup naliliinera

Allaffeqarfiup siunnersuutigivaa piffissat ataani allassimasut maajimiit decemberi 2025 ilangullugu
ullut ataatsimiiffiussasut ataatsimiinnerit nal. 13:00 aallartittassasut taamatuttaaq ataatsimiinnerit
oqarasuaat/videokomference allatut isumaqatigiissuteqartoqarsimanngippat ingerlanneqartassasut:

Ilinniartitaanermut Ataatsimiititaliap	Aningaasaqarnermut Ataatsimiititaliap	Kommunalbestyrelsi
		8. maj iversinneqarnera + Aqutsinermut Ileqqoreqqusaq siullermeerneqarnera
22. maj		22. maj – Aqutsinermut Ileqqoreqqusaq aappassaaneerneqarnera
9. juni	17. juni	
11. august	19. august	
8. september	16. september	23. – 24. september – Sisimiuni Missigersuutit pillugit isumasioqatigiinneq 25. september KB
13. oktober	21. oktober – 2026-imut missingersuutit siullermeerneqarneri	30. oktober – 2026-imut missingersuutit siullermeerneqarneri
10. november	18. november – 2026-imut missingersuutit aappassaaneerneqarneri	27. november - 2026-imut missingersuutit aappassaaneerneqarneri
8. december	16. december	

***Ilinniartitaanermut Ataatsimiititaliap
inissitsiterluni ataatsimiinnera majip 8-ani 2025-imi***

Innersuussut

Allaffeqarfiup qulaani 2025-mi ataatsimiiffissatut siunnersuutigineqartut Ilinniartitaanermut Ataatsimiititaliamut innersuussutigissavai akuereqqullugit.

Aalajangiineq

9. juni nalliuttuummat, ataatsimiinnissaq 10. Juni 2025 ataatsimiinnissaq nuutsinneqarpoq. Ataatsimiinnissat akuersissutigineqarput.

Ilanngussaq

1. Ullorsiutit 2025